

陋

軒

詩

吳楚人陋軒詩序

余已丑過廣陵與汪子舟次交舟次每以  
制舉業相質時季甚少未嘗見其爲詩也  
越十三年余復至廣陵見舟次詩而詩又  
甚工余驚詢之舟次曰東陶有吳賓賢者  
善爲詩余與之遊同學詩愧不追也後每  
見輒言賓賢賓賢不置若惟恐余不知有

賓賢者且曰賓賢每把先生詩勿々不自  
禁淚輒落々下每札至輒詢得先生新詩  
不聞先生寄余詩則急錄之去聞先生近  
帙至則倉皇大索若追余逋負者先生獄  
事急則向予曰安得雲中舒金色臂援周  
先生使不死再見其三歟詩先生固不屑  
與人同調而工時發虞仲翔之嘆以予論

若賓賢者可謂先生同調亦不可謂不知  
先生者矣因出其手錄陋軒詩一帙示予  
余讀之心怦怦動已又見其寄舟次札子  
有夕陽殘照于時寧幾之語則不禁懷心  
歎絕謂賓賢常慙不及見余卜蟬車今乃  
有不及見賓賢之感矣急賦一詩寄之及  
退而語廣陵人則絕不知有賓賢者鍾山

龔野遺曰具賓賢家東陶東陶產鹽人擁  
高資家不蓄書間有書輒以覆甌或以拭  
牢盆賓賢居陋軒環堵不蔽自號楚人楚  
人每晨起繙書枯坐少頃起立徐步擦不  
律疾書已漫細吟或大聲誦：已復書或  
竟日苦思數含毫不下又善病咯血血竭  
髀枯體僅：骨立終亦不廢如是者終年

歲里人相與笑之曰若何爲者若不黃素  
而固食淡數指目以爲怪物塾人終不之  
顧東淘蓋舊有分司使者署一使者至詢  
此間有能文否屬胥對曰某不識能文  
古何等也見有手一編向之絮語忽作數  
十字欣々自以爲得意或者其是乎使者  
則急請之見數請數辟去辟之不得強與

之見、則大悅、以爲真能文士、固無出  
其右者、東海人羣異之、以爲是淡食者、固  
可與長吏揖耶、自是望楚人若不及、漸有  
過其廬者、楚人終閉戶不與之接、嗟乎、實  
賢如是、郎不且夕死、其終死于陋軒必矣、  
因彙其前後之作、刻爲陋軒詩、余受業人  
昇州吳介茲曰、讀楚人詩、想見此老、予

海濱空牆落日橫眉索句路人作鬼轂唧  
唧擲掄時昔宋登春見謝榛詩嘆曰何乃  
津、諛貴巧活展賓賢詩竟卷如入冰雪  
窖中使人冷畏嗟乎介茲數言可序塾人  
詩矣舟次名楫賓賢名嘉紀舟次別有集  
賓賢是集行世會有知之者獨分司其地  
者能物色塾人當非俗吏而忘詢其姓氏



惜哉

康熙元年歲次壬寅陽月櫟下同學周亮  
工題于賴古堂

序

漁洋山人王士禎撰

癸卯孟春周櫟園司農將之青州過揚州遺予陋  
軒詩一卷蓋海陵吳君嘉紀之作也披讀一過古  
澹高寒有穀出金石之樂殆郊島者流近世之號  
爲詩人者衆矣擬拾漢魏擗摭六朝以獻酬標榜  
爲名高以顛函韻藻爲生活此道羶穢榛莽久矣  
如君白首藜藿戢影窮海之濱作爲詩歌托寄蕭

遠若不知有門以外事者非夫樂天知命何以至  
此余在揚三年而不知海陵有吳君今乃從司農  
得讀其詩余媿矣媿矣

序

白岳汪 揖撰

余知楚人自己亥九月始已亥江上震驚揚人傾  
城走余時移家艾陵念虛中在東亭趣棹視之至  
則虛中手近詩一帙納余前俾余讀余交虛中三  
年未聞虛中一言詩忽累累成帙心異之顧其詩  
已丹黃徧下數行訖驚向虛中曰閱詩者誰耶余  
不子異異閱詩者虛中矍然良久曰嗟乎楚人今

遇知己矣。莖人者東陶處士吳嘉紀也。余平生未嘗一見莖人。詩聞虛中言，殊色動虛中，復言莖人性嚴冷，窮餓自甘，不與得意人往還。所為詩古瘦蒼峻，如其性情。東陶距此地僅三十里，歲不一二至莖人，固不易見。即見莖人，莖人亦不易合也。余默然久之。詰旦，莖人忽至。兩人相見，歡甚，各為詩。詩成，呼酒共醉。酒盡，復為詩。如是者三日夜，留連低徊，不忍別去。余私念：往與虛中言，虛中殆私莖

人塾人殊易合也塾人夙有肺疾恒不自惜喜苦吟近數年來疾且甚悔之禁不得多作然一詩成必百里寄余反復更訂無慮數四余嘗以小舫迎塾人塾人輒為余來抵掌論心決旬累月視東亭又將過之然當熱客登筵頽然自廢塾人率落落無一可輒憶虛中言虛中不予欺也辛丑歲周櫟園先生在廣陵見塾人詩推為近代第一復聞塾人病心慮之恐遂不及見塾人屬余為書招之

贈一詩附與俱往余逆埜人不肯為先生來以先生情至誼無容辭且屬藁慰先生曰埜人性固嚴冷不易合然見先生詩或當忻然來書達埜人竟來蓋埜人名不出戶而先生詩走四方埜人與余共論諸家詩時先生方逮繫大廷埜人於時已切切望先生事白得時見先生近詩固不意先生南還亦為埜人悲惜如此也先生既得見埜人慮埜人死益切語余曰古之工為詩文者多矣人情忽

近喜遠其人不死則著作不傳堊人之人之遇之  
詩皆可必其傳病又幾於死且以堊人詩亦  
必待其死而後傳吾與子與不知堊人者等耳子  
其圖之余唯唯因即郵筒所寄寸牘片紙彙次之  
得百首應先生命先生欲及堊人之生令天下知  
堊人百詩何能盡然剗剔非堊人志百詩而傳耳  
以謝先生亦可以謝堊人已集成弁以言蓋以晁  
堊人不易知知野人者初亦非偶然也



陋軒詩

海陵 吳嘉紀 著

四言古

臨場歌

雖曰窮竈戶注歲折價何曾少逋衙役謂其逋  
也趣官長沿場徵比春秋兩巡邇來竟成額例  
兵荒之餘嗚呼誰憐此窮竈戶

掾豺隸狼新例臨場十日東淘五日南梁趨役少

陸東村詩集卷之八  
逢場吏大怒騎馬入草鞭出竈戶東家賞膠西家  
割瓠碑力供給負却公稅後樂前鉦鬼咤人驚少  
年大賈幣帛將迎帛高者止與笑月下來日相遇  
歸比折價答捷未歇優人喧闐危筵次第賓客登  
筵堂上高會門前賣子鹽丁多言箠折其齒

翁履米行

老翁履米手挈稚孫釜甑塵積貸粟前村村農穀  
富莫肯念故翁別倉庾跼蹐歸路人類如虎向之

誠難風壓河心骨重心酸菊泣語孫生無一可河  
伯應聲水開人墮其子望見急遽來援欲引轉仆  
骨肉纏綿一門三世齊陷波裏飛鴈哀號無手救  
爾

題蘇母小影

蘇興  
蒼母

白日在天碧筠在牖中有一人邦江蘇母對膝下  
兒績手內絲絲滿提筐持易文章兒跪受之笑讀  
母傍曙出暮歸授徒負米里稱先生人歌孝子苦

節駕行並見一家秋風入戶吹開桂荃

王阮亭先生遠寄陋軒詩序及紀年詩集賦

謝

阮亭先生蒞治揚州東海野人與麋鹿遊玉石同  
堅貴賤則別光氣在望未敢私謁先生鳴琴野人  
放歌春暉浩蕩忽及漁簑六一荒臺東山別墅阮  
亭新編頡頏今古荃楮盈隄風輕鳥啼媿非郊島  
陪從昌黎

陋軒詩

海陵 吳嘉紀 著

五言古

懷汪舟次

勿勿一年盡凜冽  
閉空館愁至又逢夜  
夜長歲翻短  
前日君遠來  
乍使貧家煖  
萍葉依藻絲  
誰知易飄散  
庭前梅花開  
江山雪飛滿

修葺破屋詩

亂後存一廬年久半傾圯圯者不復問存者還欲  
倚老梅共橫斜撐拒臨溪水琴書不能惜風雨欺  
無已故舊憐我陋贈糧令葺理不暇攜入門盡分  
與匠氏仍缺石與木明日賣一豕紛然力作中癡  
兒間老婢窗牖次第明巷徑復委委家人意頗貪  
燈前相議擬更欲典裳衣構室於舊址微笑謂家  
人戶外寒方始且留此隙地以待春風起我自荷  
一鋤種菜菰門裏

谿頭

谿頭有芳樹茂葉秋尚碧主人門館閒偏反嘗自  
得惡蟲何處來張喙入我宅皮毛如刀鋸犯之痛  
終夕延延潛陰底恣啖弗暫息食足生子孫分據  
枝南北侵攘若固有俱忘身是客須臾軀體肥與  
樹同一色樹悲不能言形神但踟躕供給漸難支  
飢窘忽相迫葉盡族類死貪戾成狼籍悔不身微  
時留葉遲遲食

鴨鵝復來

吾家有鸚鵡好潔其毛羽地僻懶求伴身閒或登  
樹漸失禽鳥性時雜兒女語藏身偶不謹他人攫  
之去攫者定好事且暮細調護飲啄既有託寧記  
舊棲處相失况經年自應等行路早起茅檐下俯  
仰看朝露雙翼忽飛來巧言復絮絮見客始知避  
無糧亦肯住鄙哉貧主人何常能厚遇艱難到陋  
巷感君不忘故



雜述

道傍有梧桐，踟躕無顏色。同生天地內，獨苦風塵逼。  
往來多覆車，終日隣荆棘。託根既失所，枝幹徒踈直。  
天寒丹鳳遙，凡鳥競棲息。

又

改劍為斧斤，聊作採薪叟。壯心誰謂平，利器猶在手。  
入山哭松柏，擒虎先儕偶。日暮謳吟歸，相應數前後。  
城市戰雲黃，顏熱頻回首。

又

西施兒女流出處不草草歌舞一朝解起別會稽  
媼欲報君王讐趁此顏色好蘓臺夜醉月吳苑朝  
為沼功成辭故鄉五湖以終老

又

東陵荷鏡者人言是故侯榮華浮雲散衣食惟自  
謀廢宅鋤為圃舊物無一留雨露難更希蕙草逢  
窮秋柴門落日過飢雀穀歎々

又

老鴉一何拙，乃育杜鵑雛。骨肉雖滿眼，寧知族類殊。雄飛去啄粟，雌歸來飼餉。用盡慈喙力，錦翼不得烏。雛散爾毛禿，飢困向誰呼。

又

楚國有羈人，相隔三千里。歌嘯在扁舟，浦、蓮花、美、嗟、我、不、共、賞、惆、悵、盈、水、採、花、落、月、前、採、實、秋、風、裊、蓮、花、留、自、看、辛、苦、寄、蓮、子。

又

夫壻去從戎深閨紅粉在夜々形影單迢々二十  
載舊心雖未移年華不相待寒衣無人寄欲裁還  
自急玉鏡塵匣中何時見光彩

又

疊山養老母賣卜建寧津故國久淪亡難言非宋  
人賤隸亦識面潛匿多艱辛母歿徵書來子道已  
克伸絕食別親友從容死其身

得吳後莊書

酒醒嗟世隘形神難徇得悲憤豈無謂人徒笑爾  
狂徃予客平山來日歸故鄉爾醉來送我赤脚到  
山房右手執短笛左手提酒漿直深奏別鶴聲淒  
落月黃別去更慟欽人傳爾已亡丈夫七尺軀可  
惜委槽牀村口噪鳥雀谿頭歸牛羊豐干雲錦書  
條忽到草堂上云三年別下云四體康始知磊落  
士自有延年方放歌弄白雲日在釣航何不乘

秋風挂帆來我傍

程烈婦詩 并序

烈婦歟人也適同里項長眉壬寅秋聞長眉客  
死蘭陵欲自殺其舅止之因遣人迎長眉柩柩  
將抵家先自縊以待陋叟聞而傷之為賦此詩  
女蘿施松柏弱質慕貞堅連株復連根入地同纏  
綿程媛名家女十歲髮鬢鬢十二工刺繡威儀淑  
且溫十六歸項生相好如弟第時塞深戶幙此肩

看月圓時取古琴瑟靜彈關雎篇一室正因依丈  
人登離筵門外那忍見悠悠蘭陵船朝趨新安水  
暮別新安山山堅不可移水去何時還九月秋氣  
蕭開戶望遠天鴈聲過林疾楓葉刺眼鮮三夜夢  
不祥凶信來故關頃刻死生殊酸風慘紅顏羞稱  
未亡人利刃藏懷間家人環相守頸血不得濺羅  
巾掩面啼絕食就黃泉舅氏項同初扣戶呼程言  
捨生殉良人立志固難遷誰念遊子骨未滯越水

還程聞收涕起再拜謝舅言舅言若不蚤吾已及  
九原舉手開篋笥嫁時物尚存勞勞更依依託媼  
鬻釵鈿珠者鬻得金賤者鬻得錢蓀衣號空山艱  
難購墓田遣人適越國迎櫬歸吳川季冬十五日  
四野雲陰繁心知蘭陵櫬來日到里門鴛鴦帶自  
解玳瑁梁下懸綉幙垂無聲從此無人塞長琴與  
錦瑟斷盡絲絲絃一鄉為合塋姓字碑上鐫種森  
森並生枝柯凌雲煙飛來兩棲鳥哀鳴如杜鵑隣



里直半聞低頭淚潺湲家家紅粉人歡其夫子賢

答贈王幼華

邵陽王伯子真樸世罕儔名成不出仕擔簦來揚  
州非無薦紳交樂與漁樵遊殷勤問道路訪我城  
南樓攜手出郊關喟然登古丘翩翩雲際鶴何事  
隨海鷗寒原落日下木脫風颼颼與君共無衣歲  
暮豈不愁

烈女詩

邵陽王幼  
華之婦

黃霧迷乾坤赤眉滿郊甸攻破百良堡官無莫敢  
戰居民竄匿盡誰顧王家媛愁腸傍輓轡一刻危  
迴轉馬蹄及柴門骨肉那能戀殺身枯井中不教  
賊見面賊營多婦女聞之歎且羨吁嗟井底泥豈  
同天上霏霰下霑人衣泥深絕人踐

贈汪秋澗

秋澗九尺軀雙腕最有力自稱草野臣提刀能殺  
賊家破讐未報亡命走江北黃金買紅袖將身委

聲色荒淫不得處無聊弄筆墨楮頽與黃董生氣  
盈絹幅時賢慕絕技他鄉且謀食懷中一片心到  
老無人識

贈汪生伯先生

憶昔甲申歲四鎮擁兵卒興平稱最強爭地民不  
恤下令助軍餉威迫甚於賊國家財富區一耕為  
蕭瑟白嶽汪先生吳楚常行役中路逢靖南將士  
紛紛逼營陣江上列同旅刀裹入靖南怒相謂爾

輩裕財力以餉助吾讐何事不吾及衆人盡匍伏  
先生聞自得抵掌語靖南將軍天下帥行將渡河  
去恢復舊社稷柰何漫誅求井與興平匹言出一  
軍驚將軍改顏色笑謂此男子慷慨世無敵吾久  
需豪傑誰知眼前覩回頭顧裨將斯人堪左翊卽  
日遣聘幣新安問其室先生婉辭退儔侶尚慄慄  
次第察貨財未嘗毫髮失歸來國步移揚州成瓦  
礫高隱計不就飄零思舊業立謀謀必遠招伴伴

牟集統七望顏喜官長下車揖經營二十年而淮  
元氣拉後輩家漸濶先生囊轉溢閉戶聽歌詠三  
徑殊寂歷長君篤行人鄉閭聲嘖嘖寸心急孝養  
時離兩人滕才名仲君大座有四海客而翁獨重  
我下榻還推食白月蕪城邊清樽老梧側中夜聞  
高言客子忘愁疾甲辰春正月梅荃開第宅甕甕  
醇酒香先生年六十親朋稱兒戲我亦拜父執不  
作南山頌平生聊短述安得輜軒使采風及此什

得櫟老人書

北風蕪城寒絁袍少顏色欲歸家苦遠尋友路不  
識故人青州宦清貧食無魚相憶三千里冰霜寄  
尺書開書竟何如分我以俸錢携歸盡糴米妻兒  
過凶年

哭妹

百年各有盡勞者身先朽吾妹是窮民何嘗願老  
壽委化蝸舍中乳鴉啼門柳人間送死具傷哉十

缺九宿昔親故稀霜雪凍窓牖紡績撫遺孤饒寒  
為寡嬾孤兒未成人中道失慈母往時餅與餌今  
日不在乎

又

前日欲出遊臨行妹致辭淚滴咽喉瘖意說來別  
離悲風從天來摧折庭森枝骨肉死亡至我行將  
委誰不行餅盡空兒女正號饒躑躅未終日此意  
妹蚤知蒼惶就下泉及我在家時

寄吳介茲

黃鵠戀儔侶江岸徘徊飛如何同心人咫尺與我  
遺舊宅過秋草寒蟬鳴落暉聞君遠歸來兒女啼  
無衣對此懷故交題書問渴饒再拜開錦函中情  
何依依嗟哉茶與蓼味苦憐者稀

送孫豹人之屯留

吾目暗已久君髮白如銀同是衣食計天涯成老  
人咫尺會面難况復為參辰尋常一壺酒斟酌情



倍親皎潔秋空月飛颺陌路塵別離何足道悲君  
多苦辛

又

關河二千里處處黃葉飛鴈行傍遊子霜露入征  
衣豈不憚行役同氣人久違下馬逢菊蕊香醪慰  
渴饒晚年骨肉重家貧聚會稀鄙人有老兄來朝  
亦東歸

登康山

山以康海  
先生得名

康公急友難喪名無愠顏夙昔懷高踪荒丘始躋  
攀木葉下淮甸冥鴻去不還俯仰何所遇但有江  
南山想見浩歌時清風庭戶間

又

終歲羈人寰登臨忽生趣夕陽澹澹歛倒上城頭  
森同人命素蘂言笑罕塵務草根來蛺蝶沙渚宿  
鷗鷺龍鍾不還鄉羞見東西路

過徐次源古香堂

幽居近廛市門巷蓬蒿生聞有抱琴客主人披衣  
迎天寒雪已霏籬菊吐黃英晚節真可賞濁醪相  
對傾薄醉因止宿團團海月明

哭吳雨臣

歙縣人諱元霖自號古迂甲辰九月十日覆舟皖江溺死

男兒終一死溝壑亦堪息所嗟七尺軀乃為蛟龍  
得常聞抱忠信可以履不測斯人忽淪喪天不與  
有德波濤浩茫茫閨中愴宵臆日暮彈箜篌哀音  
正悽惻

又

壬辰歲凶甚盡室命如縷君解囊中金趣我出行  
賈販薪白駒場糴麥淮陰浦腐儒得利歸笑視畧  
不取妻子活至今叔牙隔泉土南望九江雲思君  
淚如雨

又

凌岫衆山裏秀巒獨絕倫其上有孤泉氣味復清  
真山水佳如此乃能產幽人夕照明虛谷松風灑

角巾時携樵者來煎茶坐荒榛風流今已矣泉石  
空粼粼

又

避喧東海岸晞髮難水樓

雨臣安豐居處名難水樓

一榻乾坤

裏於人絕無求吟訪墻東叟醉看沙際鷗猶恐姓  
名著以為平生羞秋雲自杳杳潭水何幽幽鄙哉  
田子方門外來諸侯

又

堂上有高節里人至今傳吁嗟吳古迂實不愧其  
先詠歌寄懷抱踪跡窮山川不解貴黃金生計拙  
暮年廬舍客夢裏十畝山雲邊糗糒稍稍足有子  
能耕田

又

曾說買青山同子種荃柳懷此雖有年識君心不  
負如何楚屈平一朝攜君手出入偶不慎禍來復  
誰咎故交剝老夫霜風吹皓首徒羨沮溺輩終身

戀猷猷

哭程在湄

敘縣人歸湄甲辰十月六日歿於揚州

誰為不死者悲君年少日青青松栢枝翻同芳槿  
質風昔猷紛華相期崇令德命衰逢委化不得共  
努力黃葉滿淮南月沉在昏黑遊魂何處招舊館  
遺琴瑟

又

兄弟嗜詩書各居一小樓窓牖兩相向桐陰晝悠

悠閒門誰往來一二敝羊裘重陽雨初霽攜手遊  
林丘遲回菊荃前樽酒何綢繆誰知是死別思君  
搔白頭

又

幼兒生兩月大兒甫三齡鬼伯催促時撫摩萬種  
情隋苑風蕭條白楊烏鴉鳴送君此中去長臥謝  
浮名陂塘藕荃香日出遠岫青生前來遊此梵度  
嘯歌聲



又

仲夏來邦上秋盡未還鄉  
風吹我絺衣誰知子心  
傷卽令蕩子身半是子衣裳  
人亡物尚在何惡不  
卷藏飄蓬原野間無柰多雪霜  
貧賤交情薄老淚  
徒浪浪

古意寄周元亮先生

燈燭照寒植華堂忽生春  
堂中諸美女顏色如蒼  
新含情挾琴瑟各向君子陳  
繁響迭傳酒顧盼齊

紛紜誰知賞音者脉脉親一人一人調如何古音  
自清真一奏再三奏彼此意俱伸豈惟旦夕歡皓  
首猶慙動感子懷中義高邈同孤雲思為三秋雁  
翔翔與子群

送錢退山

抱琴遶薊丘黃沙筦千里衰年伴酒徒落日臨易  
水昔人白衣冠慷慨曾渡此人今復何在寒流但  
瀟瀟君去試悲歌定有淒風起

遠村吟

城郭兵火後見者傷蕭然吁嗟此遠村誰知尤可  
憐居民落日下往往無炊煙不能支旦暮况頻遭  
凶年土田喜贈人宅舍時棄捐無處不榛艾有隣  
皆烏鳶一二舊主人為人方種田

常家井

井霖着鹵地便與鹵味竝始知天壤間水亦有不  
幸東淘東二里樂家窰鹽窰其北古棟下云是常

家井頗類江南泉堪煎雨前茗海氓不知淡汲引  
絕脩綆朝集烏鴉離夜流明月影終年荒艸中一  
泓自孤冷

疾風

黯黯滿天雲疾風來吹散隴上荷鋤農仰首言且  
嘆去年此時雨一夜三尺半禾稼盡沉波舟楫直  
上泝力耕方苦潦轉盼忽憂旱烈日六十日是處  
泉源斷里巷無泥漿甕盎聚昏旦側聞山東蝗千

里邊羽翰指日到江南  
雙眼那忍看况復徵兵馬  
擾擾正防亂

哭王水心

同里有四人異姓稱兄弟  
鄭僑急友難七尺早徇  
義道人王衷丹肅默古松類  
學佛忽有得中歲謝  
塵世論齒君最長羸軀寒惴惴  
顧影常自言大年  
安可冀前日遠歸來為葬二親計  
二親不能葬長  
冀抱衾舂榻前無兒孫鑑中無藥餌  
骨枯流水傍

君復何人瘞風昔好苦吟溪上柴門閉一字不孤  
冷終夕弗肯寘垂老苦饑寒去覓刀雖利其術豈  
不善不是腐儒事孤身宿逆旅竟與匪人值躑躅  
岐路間華髮傷心鬢八載走山川緇衣備勞瘁計  
較平生日何處非失意憶昔歸來時蹤跡寄荒寺  
親朋還隔絕故妻終擯棄余時方苦瘡聞之垂雙  
淚扁舟逶迤尋沿村呼姓字踰垣君未忍出見茅  
簷際追隨甫半日草草又分袂回望相送處水濶

斜陽墜

送汪生

去年當此日君來叩我扉今年當此日君來別我  
歸歸山豈不樂對我轉歔歔秋聲起衰柳村村正  
落暉行子盡愁歎君身况單衣念君客吾鄉顏色  
常苦違兩人各有為未忍言是非今夜江北雲明  
夜江南飛南北不相顧寸心徒依依

贈蘇羽蒼

白嶽汪恥人古籍古維揚四方結交客首重蘇羽  
蒼羽蒼家湖濱耕釣養高堂此生遇賢母幸不以  
孝彰歲晏訪汪生滿院梅花香見我如舊識傾倒  
罇罍傍意氣各有感端不為文章臨別指瓶庵今  
夜當聯床日暮竟不至寒月光茫茫



陋軒詩

海陵 吳嘉紀 著

七言古

捉魚行

菱草青青埜水明  
小船滿載鷓鴣行  
鷓鴣欲翼欲下水  
只待漁翁口裏聲  
船頭一聲魚鳧散  
啞啞齊下波光亂  
中有雄者逢大魚  
吞却一半餘一半  
驚起湖心三尺鱗  
幾雄爭搏能各伸  
煙破水飛天地

黑須臾擎出秋湖濱小魚潛藏恨無穴雌者一一  
從容啜漁翁舉篙引上船倒出喉中片片雪雌雄  
依舊腸腹空盡將美利讓漁翁回看出沒爭奇處  
腥氣空畱碧浪中

破屋詩

構得數椽在溪北巷隘門卑亦自適隣舍無絲窺  
我貧幾年全賴此四壁壁老土柔力漸稀或傾或  
頽不復立惡風黠鼠恣來往牀席冷接青天色夢

裏常驚瓦礫聲老妻夜夜勸修葺昨夜朔風天上  
號忽然一陣落我室我室壓倒存一半其下兒女  
聲慄慄倉卒提攜出戶來坐立霜中待朝日日高  
舉室喜重生雖失棲遲翻不惜君不見昔日巍巍  
公與侯朱門畫棟雲霞流頃刻蓬蒿生第宅身死  
還為當世羞何如野老斷垣欹柱下骨肉因依無  
所求

義鶴行

山寺高塵市遙皚皚兩鸛來為巢巢成子生翼億  
神勞十日雨千里水遠去覓食笑殺村豎攀曳上  
寺潛以鵲郊易其子郊破子出雌鸛待飼子出形  
殊雄鸛驚呼飛飛且怒疑雌暗私他羽東西南北  
徧告其同類去寒日瘦北風哀同類四面來瞋目  
厲喙且視且猜無端紛紛逼迫頃刻天窄地促可  
憐雌兮潔如玉懷不得明義不受辱啄爛巢中雛  
自掛山頭木雄見雌死轉嗔為啼同類無賴各返

南北東西踽踽羈影此夜孤棲栖遲到曙霜露徧  
羈同類復來集僧屢率一雌鶴云是新寡雄不顧  
去四野終身不雙以報泉下

七歌

吁嗟我父沒廿年一棺長寄他人田田前碧蒿影  
歷亂田中白水聲潺湲敝廬去此僅咫尺陌阡經  
歲無人跡父在此中兒在室兒心堅忍已成石止  
即土貴黃金少毛髮鬢鬢余又老世人賤老更羞

貧寸草有心向誰道嗚呼一歌兮歌音淒乳鴉聲  
苦山月低

又

嘗見里人稱母壽收淚即思吾病母病母病歿值  
饑年棺衣草草何曾厚憶我抱病母在時千里就  
醫不相離顧我形容恐難愈涕洟落入手巾廉我  
今疾痛不暫歇破廬人少天欲雪昔日食中母淚  
多今日病裏晨炊絕嗚呼二歌兮悲思長孤身無

倚荒風涼

又

叔兄昏夜行間里突遇惡少推擊死有冤難向公  
庭理可憐伯兄慟不起伯兄一櫬羈南莊叔兄一  
櫬州城傍兩兄白骨亦難聚安望死生同一鄉屈  
指我兄昔有四出入因依今少二海內誰為擊筑  
人懷裏空存不平事嗚呼三歌兮淚縱橫寶刀為  
我床頭鳴

又

寒鴉偏叫四兄室四十獨宿到五十中夜擁絮身  
苦醒不恨日出恨月出二兄垂老更多疾歲儉門  
衰千慮集黃金錯買里人田白頭難覓忘憂術幾  
人索逋幾催科中庭雜沓無虛日嗚呼四歌兮歌  
傍徨半行鵑影啼殘陽

又

夫沒三月兒出腹我妹心苦無人告四體饑困不



得乳兒哭母哭聲滿屋絰績一日得十錢手作口  
哺三四年昨夜燈前初學語向舅呼爺音楚楚兒  
語翻令阿母悲急掩兒口淚如雨嗚呼五歌兮雨  
霏霏孤燕將雛何處飛

又

朝尋道人夜臺去王劍為僧身亦死故里知音今  
有誰荷鋤樊上王老子老子田園亂後荒閉門絕  
客卧冰霜他年期我數晨夕賴有江南三四客或

儒或賈或賣卜幾時歌嘯同一席嗚呼六歌兮歌  
唏噓篋中空滿知交書

又

彼蒼不知窮檐苦生我稚子四且五嗷嗷一室仰  
病父父病不畊何處取大者始識父子禮幾日畏  
隣饑不語小者就學塾師前六月披裘無俸錢暮  
歸向母怒索食阿母枯似父顏色昨夜秋來愁不  
眠蟋蟀牀頭聲唧唧嗚呼七歌兮歌淒涼出門棘

刺牽衣裳

賣硯行

為王太  
丹賦

夫子傲岸坐虛牖友生遺贈俱不受匣中一片端  
谿硯托我換錢治身後何曾頃刻離袖懷今日携  
出朝尋齋朝尋憶昔明寒燈兩人一硯為三朋或  
語或默各窈窕此坐彼卧同嶒嶒豈知夫子病云  
劇不求諸人求諸石市屢持去尋知音齊道不若  
黃金色昨夜歸來逢一翁欲購又值囊中空撫弄

珍惜不去手竟日面赤徒相從節近清明淒雨多  
冷門不復有賓過硯依主人堅似昔主人欲去將  
奈何

隣女詩

芳蘭深谷中將開忽自落不向風光輝不受風輕  
薄於戲溪上隣翁家阿女彷彿幽蘭花卓然塵中  
立志氣恥同人世趨繁華芳春荏苒二十後命苦  
一朝喪阿母母歿悲母旋自悲自悲許作蕩子婦

蕩子儀顏亦有光豈料逝水爲心腸似倚少年隨  
伴出不商不賈走四方飄零竟勿思鄉曲閨中年  
紀二十六綠窗一樹棲雙鳥夜夜烏聲傍獨宿悵  
傳昨宵返故里白髮紛亂阿父喜逝水誰知不戀  
源天明又束舊行李阿父看畢入門悲泣曰吾女  
將安之中夜徘徊呼女語女已抱病眠空帷門外  
阿叔問訊至遙遙弱質徐徐出盈盈容貌冉冉儀  
垂垂羅帶玲玲珮向叔塞默首垂低阿叔相顧懷

悽悽怒謂吾家女如此那堪去為蕩子妻惆悵遍  
房涕自語從今不得依老父缺月不明風氣寒竟  
起自經堅閉戶其夕阿兄共一庭聞聲急起救復  
醒阿嫂在旁淚如瀉慙慙餉食晨且夜解顏接嫂  
若平生嫂去寘食在牀下心知前路漸不吉暗數  
不食到七日盈盤清水自沐軀鴉髻雲髻還頻櫛  
櫛沐既罷日欲曛悉出箱籠衣與裙願留微物表  
衷懷女伴一一為區分獨有明珠一百顆身前身

後應隨我絰絲親綴一雙履五十在右五十左敕  
成形影宛若僊家人驚悲哭滿前危坐奄然自俄  
瞑阿父號呼尤可憐東隣盡來營殯具西隣皆為  
營葬去共覓幽村空水間安寔娉婷貞女墓蕩子  
出門不肯歸墓上孤雲皎皎飛

贈孫豹人

有明風雅推西秦前有空同後豹人空同直道事  
天子諫諍不顧宵小嗔男兒抱才復得志進退榮

辱懷俱伸豹人生也獨不辰匝地兵荒二十春奇  
士落落淪草莽關河相對長酸辛詩紀甲子身去  
國栽桑出處杜陵貧遊越遊吳髮盡白無聊又卜  
邗江宅客慕虛名利啄頻披衣欲出還感頻車馬  
紛紛徒汎愛妻兒依舊炊無食廿四橋頭鼓角悲  
董相祠前秋日夕我曾曳杖叩蓬門香醪共就蕉  
陰碧微醉顏顰忽不懌呼予軟語淚沾臆從遊赤  
松是幾時我輩衰顏真可惜



喜劉則鳴業師移家至淘上

東風吹綠東淘柳師弟相逢皆皓首吾師經史鉤  
膏中何事栖栖只鋤口憶昔青氈坐此鄉數十弟  
子在一堂吾師學太才更異執筆恥作今文章其  
時我年方弱冠讀書懷古滄海岸業成慷慨出衡  
門北極朝廷遭喪亂江山非舊各酸辛浮雲富貴  
讓他人吾師匿影四方去我亦哀吟卧水濱水濱  
漠漠戶牖啟藜床草屋多風雨身寒羞受故人袍

賜餼不借隣家米吾師忽然乘樵風移家復居吾  
里中吾師吾師不憂窮春秋七十顏如童狂歌被  
褐與時絕賣卜負薪期我同他日無慚高士傳小  
兒休笑兩衰翁

衰羊裘為孫八處士賦

孫八壯年已白頭十年歌哭古揚州囊底黃金久  
散盡笥中存一羔羊裘晨起雪渚渚取裘覆兒女  
停午號朔風兒持衣而翁風號雪急在蒲牖慙勤

自解護老嫠裘之溫暖誠足珍不得衆身為一身  
吁嗟乎長安天子非故人羊裘冷落對印水他年  
姓字齊嚴光今日鉞寒累妻子

難婦行

壬寅六月  
瓜洲事

寧為野田莠不為城中婦莠生雨露培婦命如塵  
埃楊子江頭舉烽燧東風吹得戰艘至官長首嚴  
出城禁如荃之人避無地愚者爭向船艙匿覆木  
覆石水關出木下石下填人膚日蒸氣塞人叫呼

舟子耳聞眼不顧往來邏卒逢無數短篙刺刺漸  
離城岸上骨肉喜且驚夫來挈妻父挈女開艚十  
人九人死吁嗟乎城外天地寬如此此身得到已  
為鬼家人畏罪不敢啼紅顏亂塋青蒿裏

東家行

壬寅六月  
揚州事

東家錢多高興發娶婦無端當六月婦家愛女竟  
不辭楚練齊紈日直治治成衣裳粧次第上着六  
層下着四綿綿纏纏直到老風俗舊例重綿襖一

事違俗恐弗吉阿母不教纖毫少女兒低頭泣無  
言擁入繡輿簫鼓喧眼見新人就火窟那能忍死  
到夫門夫家賓客實華屋鑪爇松炤几燒燭到處  
骨肉皆鬼伯忍將餘生相迫促有生歡樂轉成悲  
始悔炎天作事非裹尸更不需繒帛送嫁衣為送  
死衣

殯傭歌

殘直不寐聞傭者鞭牛殯稻啜鳴而歌陋叟為

衍其義

月焰兩岸霜  
幾家張稻輸官糧  
人來扣門聽不誤  
各各夢裏披衣裳  
碾上轉轉欲見米  
米糠分別風車底  
吾儕勞苦不用愁  
驅走不寧更有牛  
大牛且休息  
小牛當努力  
不見蓬蒿深巷中  
主人昨夜炊無食

又

曬場朔風度  
臂有鶉衣足無屨  
回思往昔秋冬時

積得餘糧嘗易布礮上轉轉初見米市人爭糴風  
車底吾儕困憊敢不歡今日得食休論寒粗者委  
妻子精者奉主人不見隸催碾餉急主人三日不  
迎賓

後七歌

吳生吳生字賓賢谿上釣魚十九年一朝失意東  
西走頭白眼暗絕可憐鄉園咫尺不能返坐看明  
膏深直莫嗚呼一歌兮歌始發荼蓼心苦向誰說

又

芙蓉城外春水長  
野航蕩漾人來往  
輕吹晴暉寒  
食天家家紙錢焚  
墓上我有丘塋委故鄉  
今日奇窮累泉壤  
嗚呼二歌兮歌且謠  
淚憑流水到東海

又

六十老兄仰天泣  
由鬻他人名在籍吏胥呼去應  
徭役長跪告免免不得  
急難那有親朋援我今捨  
兄方遠適嗚呼三歌兮  
歌鵲鴒傷心聽爾在原聲



又

有妹有妹頽舍裏沉疴別後今何似  
飲食斷絕癡兒啼疾病不死饒亦死  
門前青草盡無人床上白骨誰收  
爾嗚呼四歌兮歌思長車輪日夜  
轉中腸

又

阿珂阿瑟采蒿藜阿聰相挈在立阪  
提筐日午歸作食一日一食天難晚  
饒腸欲斷人不知共啟柴門望爺返  
嗚呼五歌兮歌轉愁巢雛待哺音  
啾啾

又

貧窶屢遭隣里厭故園躑躅如他鄉他鄉友生意  
偏厚哀我食我殊難忘伯勞東飛鷺西翔同類何  
能共一方嗚呼六歌兮歌倚徙飄泊夷吾思鮑子

又

垂老無端學干謁東家借僕西借褐朝來得與顯  
者遇賓客笑我言辭拙男兒各自有鬚眉何用低  
顏取人悅嗚呼七歌兮歌自哀庭梅籬菊待歸來

汪長玉生日

八月八日庭桂香汪大三十人稱觴吳生笑與汪  
大說君之生辰是二月君不見二月四日天地昏  
神鬼號泣沙石奔北風吹汝皖江棹棹折纜斷舟  
忽翻蒼鼉老鼉列南北各各張牙待人食汪大沉  
沉疊浪中但言此身死不得須臾如有物湧身出  
潮頭潮頭開眼望倏然見覆舟奮臂一躍上舟底  
水苔滑滑按折指蕩漾波心逐野鳧回看僮僕屍

浮起月不明雪千里汎汎漸覺離淑通起向江印  
問路歸為人又從今日始

贈里人吳秀芝

安豐老布衣足不入市腸苦饒迂濶屢遭親戚笑  
誰復慙勤過我靡奇哉里人吳秀芝賣米橋頭生  
業微不讀詩書形體陋何獨於我情依依童子朝  
出負米歸童子暮出負米歸升斗釜石弗遺我有  
錢無錢無不可貧家男女十四口不後四隣舉燵

火今年海邊年又凶謀生計拙故鄉中去冬米錢  
償未足爾更恹然傷我窮人糴只授江右白米吾  
踪偏與桃荃紅吾鄉米名種甚佳遠方人稱為秦州苑荃米苑荃米熟

香甌釜癭兒食飽忽起舞失意如吾何足論高情  
似爾堪比數君不見瀨水與沙立伍員韓信餓歎  
死世人不顧英雄愁授餐鐵笛漁竿側千古唯聞

二女流

贈戴酒氏

先生昔日富田園座中食客比平原先生今日顛  
毛白門戶蕭條無過客暮雨朝雲幻眼前先生懷  
抱自悠悠不知囊底久如洗逢人只欲贈金錢記  
得梅開汪氏宅月夜與君乍相識吟詩憑吊史相  
國看君雙淚已霑臆細將往事為予言程嬰王成  
如在側知君自是情深人落拓湖干二十春荆榛  
滿地難為客混入屠沽號酒民憐我衰年肺病深  
梵回相對酒難斟天涯飄泊知音少感激先生一

寸心

嘉森詞

閨中有嘉樹三月好荃發年年此時節遊子在天  
末天末軒車來絕時顧影徒矜妖冶姿狂風一夜  
催春老落盡榮華君不知

一錢行贈林茂之

先生春秋八十五芒鞋重踏揚州土故交一一成  
丘墳白楊摧盡留枯根昔遊倏過五十載江山宛

楚人代改滿地干戈杜老貧囊底徒餘一錢在囊  
荅李荃三月天同君扶杖上漁船杯深顏熱城市  
遠却展空囊碧水前酒人一見皆垂淚乃是先朝  
萬曆錢

澄塘吳烈女

澄塘水不羨黃河流黃河萬里無清時塘水一勺  
清且幽遊子吳陵去不返綠窓紅顏啼日晚耻為  
生隻寧為死雙五尺墓寒水傍君不見白堊碧荇



晝冥冥時時飛起雙鴛鴦

贈汪耻人

伯勞悅飛燕何必曾相依才子憐同調中懷知者  
稀君不見南州王生一死錢塘妻子凍餒羈維揚  
學陶居士

周元亮先生

贈錢帛生死一朝歸故鄉家人

哭族喪長跪謝居士居士曰否否感激我實繇汪  
子汪子於王非故人蒼惶匍匐何苦辛乃知生前  
結納為知己千載徒稱雷與陳

憶昔行贈門人吳璠

憶昔北兵破蕪城，幾十萬家流血水。史相盡節西  
城樓，吳璠之父同日死。璠母少年璠垂髫，避亂金  
陵。踪跡遙，信音忽到烏衣巷。涕淚雙霑，朱雀橋毀。  
容截髮，母心苦。織素教兒，恒常午。親授漢書，與孝  
經。提携六歲至十五，滿地旌旗未罷兵。移家來住  
海邊城，致富懶師範。少伯執經，偏就鄭康成。悠悠  
戶外誰同調，霜雪銳寒身。自蹈只思當路賦，緇衣

不信時人說皂帽四海無家何處還淒涼八口去  
茅山離別終年愁落月琴書一棹遇邗關旅舍沽  
醪重話故自言篆學攻朝暮石上吾初運鐵刀鐫  
成人曰如銅鑄此藝前推何雪漁以刀刺石如作  
書僻壤窮陬傳姓字殘章斷蹟勝瓊琚磨也何君  
同一里須知助腕有神鬼手底靈奇甫著名城中  
車馬多尋爾昨日空囊今有錢羅梁羅菽上歸船  
辛苦高堂頭已白好憑微技養餘年

客中七夕時與汪長玉別

斜月照天河牛女遙綵綵如何同此夜人間天上  
異惟怨昔為深山石今為出山泉可憐皓首飄零  
客來飲君家離別筵杯闌慷慨歌一曲君上扁舟  
毋躑躅吉水溝頭楊柳黃望江城外醺醺綠

隣家僕婦行

主翁妻歿兒啼苦賤妾抱置懷中乳妻歿主翁產  
亦破甕日絕糧一家卧夫子束裝塘兩頭喚妾昏

直造他州戀此襁褓未能去夫子怒罵去不顧短  
簷黃雀雙雙飛對影難禁涕暗揮牀上呱呱泣不  
已牀下鋪糜重料理妾無夫主有子敢怨獨宿饒  
寒死

歲暮留別鄭仲嬰

朱瑟奏高堂絲絲相纏綿丈夫久飄泊那得不受  
同心憐天都鄭生肝腸厚伯通廡下歡攜手昔人  
殺身酬一言何況才心贈我又竹西歲暮官梅香

君懷老母我思鄉釣船明日東淘去君亦負米鑿  
江路看君事事如古人窮經勿厭多苦辛不見蔡  
澤無媒伏生老蓬蒿終不沒其身

悔齋桐楸歌

汪舟次  
讀書處

園中雜樹何歲莖數榮發艷各爭奇中有老桐自  
蒼皮擎風影月只數枝上枝覆屋勢屈曲下枝向  
人形倒垂安豐布衣蹢蹢甚頻到邛關汲濤飲渚  
陰日夕蔭藜牀感君歲歲容高枕

王太丹死不能墓吳次巖汪次朗贈金為發  
喪感泣賦此

朝尋齋外鳥號木人跡不到如窮谷中有老友王  
太丹長卧日對蕭蕭竹故鄉故人吳賓賢時一慟  
哭來齋前客問哭何為哭我老友不能歸妻子就  
食去老友將與他鄉狐兔蒿艾相因依哭聲遠傳  
赤岬鄉吳子次巖中夜獨起心徬徨不重黃金重  
白骨一緘百里忽寄將汪子次朗同心侶車過朝

尋腹悲楚可憐西風雨雪天袖底餘錢盡皆與吁  
嗟乎次巖從未一識王太丹太丹平生友且為雲  
為雨況身歿已久安能戚戚戀戀遙相關吁嗟乎  
次朗子情何深意何迫不教朋友死為客憶昔子  
友曹僧白僧白歿寄邦江陌子出金錢贈其兒使  
得速埋山中石至今山中未死者稱子義俠猶籍  
籍吁嗟乎賓賢不能葬友徒愀然若非二子交胡  
繇全始信兄弟多在四海間吁嗟乎太丹今就舊



山高低野草白左右溪流寒詩魂月下來長夜方漫漫

江邊行

江邊士卒聚如瓦防敵用船不用馬督責有司伐大木符牒紛紛朝暮下中使嚴威震舊京軍令還愁不奉行親點將軍六七十帥卒各向江南程江南誰家不種木到門先索酒與肉主人有兒賣不暇供給那能饜其欲老松古栢運忽促精魂半夜

深山哭一一皆題上用字樹樹還教運出谷出谷  
到江塗幾千將軍騎馬竟先還家貲破盡費難足  
衆卒仍需常例錢道路悲號不住口槎枻亂集成  
山阜一朝舟楫滿沙汀只貴數多不貴精君不見  
揚州戰船六百隻輸盡民財乘不得寒潮寂寞章  
花間日暮灘頭渡歸客

隣翁行

隣翁皓首出門去勸哭悔作造船匠伴無故舊囊

無錢此去前途欲誰傍聞道沿江防敵兵造船日  
夜聲丁丁工師困憊不得歇張燈把炬波濤明監  
使還嫌工弗速如霜刀背鞭皮肉肉爛腸饑死無  
數拋却潮邊飽魚腹力役人稀大將嗔遠近嚴搜  
及老身眼看同輩皆亡盡孱軀那有生歸辰回望  
故鄉妻與子窮檐落木西風裏爨下連朝方斷炊  
柴門寂掩無人語本依微技覓饕餮微技誰知喪  
一門君不見船成蕩漾人難少千檣萬櫂蘆灘住

增金急募駕舟人有司又派江南賦

朝雨下

朝雨下市頭薪絕穀添價貧老孳孳謀不暇暮下  
雨富兒瀉酒招儔侶酒厚只愁身醉死雨不休暑  
天天與富家秋檐溜淙淙涼四座座中輕薄已披  
裘雨益大貧家未夕關門卧前日昨日三日餓至  
今門外無人過

九月四日懷雨臣

是日為雨臣四十誕辰

不見故山十二載前日始踏山竹路村路咫尺不  
暇歸萬里又向青徐去八月十一風颼颼聞君此  
夜泊真州屈指數到君生日茫茫應在東海舟海  
波無聲海山立左日右月坐前集豁然千頃耳目  
開自招孤影呼四十

淒風行

傷饑竈也

淒風淅淅雨聲連晝暗如夜飛濕煙幾千萬家東  
海邊六七十日無青天生計斷絕老人幸先就下

泉孩提無襦長隨母眠阿母眠醒腹餒不得眠壯  
者起望西隣西隣乞食塵市不復來還廻望東隣  
東隣八口閉門已十日門外青草春芊芊水響濺  
濺鬼泣漣漣官長怒然分俸糴穀更日夕勞苦勸  
富戶各出糴穀金錢富戶踟躕聚議此戶彼戶一  
斛兩斛商量捐

過江象賢寓齋看梅不值聞昨夜同方麗祖

理絃梅下

雨歇幽人出門去落落閒却老梅樹客來領此一  
庭雲彷彿夢入西蹊路聞君偕友坐花陰彈出空  
山風雨音餘音淒絕應難散我向亂枝深處尋日  
暮階除歸凍雀主人不至庭漠漠參差花影上衣  
飛皆因昨夜絃催落

郝羽吉寄子宛陵棉布

淘上老人心悽悽歲暮無衣兒亂啼多年敗絮踏  
已盡滿床骨肉賤如泥出門入門向誰告唯有朝

風過破屋我友何繇知此情千里寄余布一束大  
兒次兒意忽足小兒不復依晴旭老妻裁剪自矜  
能還餘一端作翁服舉室形神從此舒燈下歡忻  
忘食粥冰雪高眠二十年無端今日受君憐還期  
偕我深山去夢想不到風塵邊稚子讀書婦織素  
兩人一耒同畊田

風號呼行

風號呼吹黃沙吹滿東家又西家西家三四小兒



女日暮厨頭煙未起直待老翁糴粟歸一升粟換  
一升水連年雨多五穀絕清泉甕底何曾缺今日  
腸饑口復枯縱能耐饑難耐渴忽聞村北掘得泉  
泥沙混混味如鹽月落河干曙星綠男婦爭汲影  
簇簇我家稚子力弱身短不能前空搭歸來掩面  
向牆哭

贈李生

李生三載客海濱寒暑跋涉唯救人仁術誰人不

感激藥石何須及老身豐頤秀眉長在眼未嘗一  
適李生館不識肝腸不妄交君既倔強予復懶聞  
君思母海雲邊雪霜千里放歸船落葉依依戀根  
本此時方信李生賢李生李生侍母前吾里瘡夷  
殊可憐春風若更遊洵水結交當自來年始

訪周櫟園先生兼呈汪恥人

櫟公之寃一朝白懽呼聲滿長安陌暫時歸卧江  
南春從遊獨重汪恥人恥人學大年更少與公與

我為同調聞我有疾眠清谿十日不能開口笑酒  
酣離席向公云草野今將失此君櫟公不覺搔首  
語世有此君胡未聞索詩一讀一長嘆其時鴉叫  
寒宵分公悲轉令恥人喜貧病故人得知已即遣  
蒼頭走雨風陋軒半夜扶予起跋涉舟車三百程  
指日追隨公杖履公既再生予未死俱到恥人雙  
眼裏

風潮行

辛丑七月十六夜夜半颶風聲怒號天地震動萬  
物亂大海吹起三丈潮茆屋飛翻風捲去男婦哭  
泣棲無處潮頭倏到似山摧牽兒負女驚尋路四  
野沸騰那有路雨灑月黑蛟龍怒避潮墩作波底  
泥范公堤上遊魚度悲哉東海煮鹽人爾輩家家  
足苦辛頻年多雨鹽難煮寒宿草中饑食土壯者  
流離棄故鄉灰塲蒿滿池無鹵招徠初蒙官長恩  
稍有遺民歸舊樊海波忽促餘生去幾十百人歸

九原極目黯然煙火絕啾啾妖鳥叫黃昏

贈汪快士

快士有母在練水爾胡流落風塵裏技藝雖精不  
救貧白眼俗人隨處是去秋重見葦花邊老夫姓  
名石上鐫秦章漢篆何堅朴古人復作無能賢緼  
袍敝履自蕭然坐卧荒菴看暮天媿我久稱素心  
侶贈君獨乏青銅錢終朝熟視徒為爾君今且上  
姑蘇船姑蘇臺畔楓橋下賓朋來往多車馬君挾

琴書遊此鄉從遊寧患知音寡得金糴米須寄親  
莫愛奇窮如我者

剝粟行

吏胥昨夜去村西屋中剝粟如塵泥呼兒握粟出  
易布商賈飽眼皆不顧一雁無侶聲嗷嗷老夫惆  
悵歸荒郊今夜燈前炊一斗明夜床頭餘半缶朔  
風依舊吹兩肘

過兵行

揚州城外遺民哭遺民一半無手足貪延殘息過  
千年蔽寒始有數椽屋大兵忽說征南去萬馬馳  
來如疾雨東隣踏地三歲兒西隣擄去雙鬟女女  
泣母泣難相親城裏城外皆飛塵鼓角聲聞竟已  
斷阿誰為訴管兵人令下養馬二十日官吏出謁  
寒慄慄入郡沸騰曾幾時十家已燒九家室一時  
草死木皆枯昨日有家今又無白髮夫妻地上坐  
夜深同羨有巢烏

樊村紀遊

有序

紅子象賢曙生郝子羽吉共浮一舟至紫閭偕  
余往樊村訪鴻寶兼就荷馬抵樊招鴻寶到帆  
下放棹中流夕陽數點綠綺一片輕風與客俱  
至花意悅懌乃命童子煮酒甫舉盃見邨南高  
柳森立碧成世界更移舟尋路至柳下是時也  
亂葉與蟬鳥共為一聲月漸出水濛濛蒼蒼絕  
非人間境默酌久之雲盡波寬群動皆夢羽吉



起謳象賢引管絃佐之婉折頓挫令人忘情及  
曉鴻寶復止諸子諸子亦無有欲返者是夕重  
集柳下夜氣寒淡飲趣玄適較昨又將過之次  
日始謀歸將歸曙生徘徊鴻寶知其為荷也命  
童採贈一瓶瓶入舟因依花前且以葉代茗滿  
飲花下三子命余賦詩

樊村新水添幾尺白首主人門外立客來不揖不  
話舊無限清芬雙漿入隨流曲折行徐徐身閒始

與白鷗俱開樽痛飲飲欲醉溪香月皎心何如

管鮑篇呈汪舟次

賦詩菰蘆中世不知名字齒脫髮毛白始遇汪舟  
次己亥來遊東海涯九月十日見余詩兩心不覺  
膠投漆因詩與我成相知去冬過邗江訪君梅下  
館館前冰雪來往稀獨把陋軒詩一卷賞心真與  
時流殊精論不恕老夫短老夫垂首忽自憐此身  
若死己亥前篇章縱得逢同調不過異代相周旋

草白沙黃歲暮天窮途還愧費君錢知己不作感恩語高義旋聞舉國傳君不見吳越詞人新句好朝來嘖嘖揚州道上言今人吳與汪下言古人管與鮑

吳爾世四十贈以詩

老烏山月中悲鳴啞啞思故雄雄去荒烟身不返雌守舊巢腸欲斷風淒雨急誰相憐只有孤雛在眼前拮据哺雛雛不餓今日雛較昨日大長成毛

羽飛出林不知老鳥受幾辛苦到于今君不見豐  
谿吳氏遺腹子今年四十母心喜